

# Մոսխորհրդի պատգամավորները պահանջում են դադարեցնել ռազմական ուժի գործադրումը Հայաստանի նկատմամբ

*Մոսկվա, 21 մայիս, interfax*

Մոսխորհրդի 105 ժողովրդական պատգամավորներ ստորագրեցին ԽՍՀՄ պրեպիդենտին եւ Գերագույն խորհրդին ուղղված դիմում, որն ընդունվել էր հայ-ադրբեջանական ընդհարումների շրջան կատարած իրենց դեպուտատական խմբի այցից հետո: Պատգամավորները պահանջում են անհապաղ դադարեցնել խորհրդային բանակի եւ ԽՍՀՄ ԼԳՆ պորքերի մասնակցությունը Հայաստանի տարածքում պատժիչ գործողություններին եւ Լեռնային Ղարաբաղի հայ բնակչության բռնի տեղահանմանը:

Մարդու իրավունքների պահպանումը վերահսկելու եւ պիսված բախումները կանխելու համար պատգամավորները պահանջում են այդ շրջան դիտորդներ ուղարկել:

Միաժամանակ նրանք կոչ են անում դիմել ՄԱԿ-ի Գլխավոր ասամբլեա, իրագործելով ՄԱԿ-ի «Եղեռնը կանխելու եւ դրա համար պատժելու» կոնվենցիան, քննարկելու Ադրբեջանի տարածքում տեղի ունեցած եղեռնի փաստը: □